




საშურის მოახლა



№10(334)

21 მარტი, ორშაბათი,

2022 წელი

„სოფლის მხარდაჭერის პროგრამის“ ფარგლებში, საშურის მუნიციპალიტეტის სოფლებში, მოსახლეობასთან შეხვედრები გრძელდება

ამჯერად, შეხვედრები ფლევის ადმინისტრაციულ ერთეულის სოფლებში გაიმართა - დიდ და პატარა ფლევში, ნაცარგორასა და ტკოცაში ადგილობრივებს საშურის მუნიციპალიტეტის მერი თენგიზ ჩიტიაშვილი და მუნიციპალიტეტის საკრებულოსა და მერიის წამომადგენლები შეხვდნენ.

კრებებზე მოსახლეობამ სოფლის საჭიროებებზე იმსჯელა. პრიორიტეტები ასე გადანაწილდა: სოფელ ნაცარგორაში გზები მოიხრეშება და დამონტაჟდება გარე გამოყენების ტრენაჟორების, გარე გამოყენების ტრენაჟორების დამონტაჟება გადაწყდა დიდ ფლევშიც, პატარა ფლევსა და ტკოცაში კი პრიორიტეტი სასაფლაოების შემოღობვას მიენიჭა.



„მნიშვნელოვანია, რომ სოფელ ფლევთან სოფელ ვაყამდე გზის რეაბილიტაცია უახლოეს პერიოდში დაიწყება. სამუშაოებისთვის 2 652 429 ლარია გამოყოფილი. პროექტი მნიშვნელოვნად გააუმჯობესებს ადგილობრივი მოსახლეობის საყოფაცხოვრებო პირობებს. გარდა ამისა, განხილულ იქნა სხვა საკითხებიც, რაც სოფლის მოსახლეობას აწუხებს და ვეცდებით, შესაძლებლობის ფარგლებში, მოვაგვაროთ“- აღნიშნა საშურის მუნიციპალიტეტის მერმა თენგიზ ჩიტიაშვილმა სოფლის მხარდაჭერის პროგრამის შეხვედრებისას.

ამის შემდეგ, ადგილობრივი ხელისუფლების წარმომადგენლები ქვიშხეთის, ტაშისკრის, მონასტრის, ბეღლითის, ბულბულისციხის, სათივისა და სარმანიშვილისკარის მოსახლეობას შეხვდნენ. შეხვედრებს დაესწრნენ საკრებულოს წევრები მაკა დიდებულაძე და მუხრან ჩადუნელი, მერის



წარმომადგენელი ქვიშხეთის ადმინისტრაციულ ერთეულში მალხაზ ღონდაძე.

ადგილობრივებმა და მუნიციპალიტეტის ხელმძღვანელმა პირებმა ერთობლივად იმსჯელეს პრიორიტეტულ პრობლემებზე და მათი გადაჭრის გზები დასახეს.

„სოფლის მხარდაჭერის პროგრამის“ ფარგლებში გამართულ კრებებზე მოსახლეობამ შემდეგი პრიორიტეტები გამოკვეთა: ქვიშხეთში სანიაღვრე სისტემის და ლაცაბიძეების უბანში გზის მონაკვეთის რეაბილიტაცია გადაწყდა, ტაშისკარსა და სათივეში მოსახლეობამ არჩევანი თავმყერის ღია სივრცის მოწყობაზე შეაჩერა, მონასტერში სასაფლაომდე მისასვლელი გზის რეაბილიტაციას მიენიჭა პრიორიტეტი, ბეღლითში ბეტონის გზა დასრულდება, ხოლო სარმანიშვილისკარში წყლის სისტემა მოეწყობა.

შემდეგ შეხვედრები ქვიშხეთის ადმინისტრაციულ ერთეულში შემავალ სოფლებში გაგრძელდა.

ტეზერში, ყიფიანთუბანში, სავანისუბანში და რუსაანთუბანში ადგილობრივებმა და მუნიციპალიტეტის ხელმძღვანელმა პირებმა ერთობლივად იმსჯელეს „სოფლის მხარდაჭერის პროგრამით,, განსახორციელებელ პროექტებზე და პრიორიტეტები ასე გადანაწილდა: ტეზერში სასმელი წყლის სისტემის სათავე ნაგებობა მოეწყობა,



ყიფიანთუბანში სასოფლო გზები მოწესრიგდება, სავანისუბანში სოფლის გზების მოწესრიგებასთან ერთად, სასაფლაო შემოიღობება, რუსაანთუბანში ბეტონის გზა მოეწყობა.

„გარდა სოფლის მხარდაჭერის პროგრამით განსახორციელებელი



პროექტებისა, შევისწავლეთ საჭიროებები, რაც სოფლებისთვის მნიშვნელოვანია და ვეცდებით, შესაძლებლობის ფარგლებში, ეს საკითხები დროულად მოვაგვაროთ. მნიშვნელოვანია, რომ ვიწყებთ სოფელ ტეზერში გზების რეაბილიტაციას, რისთვისაც 1 394 732 ლარია გამოყოფილი, პროექტი მნიშვნელოვნად გააუმჯობესებს ადგილობრივი მოსახლეობის საყოფაცხოვრებო პირობებს“- აღნიშნა საშურის მუნიციპალიტეტის მერმა თენგიზ ჩიტიაშვილმა სოფლის მოსახლეობასთან შეხვედრებისას.

მერთან ერთად, მოსახლეობას ხვდებოდნენ საკრებულოს თავმჯდომარის მოადგილეები ნოდარ ღონდაძე, ცოტნე ნოზაძე, საკრებულოს წევრი მუხრან ჩადუნელი, მერიის ინფრასტრუქტურის განყოფილების უფროსი გიორგი პაპიაშვილი და ქვიშხეთის ადმინისტრაციულ ერთეულში მერის წარმომადგენელი მალხაზ ღონდაძე.

სოფლის საჭიროებებზე იმსჯელეს აგრეთვე ცხრამუხის ადმინისტრაციული ერთეულის მოსახლეობამ.

პრიორიტეტები ასე გადანაწილდა:

ცხრამუხა - სკვერისა და მოსაცდელის მოწყობა;

ჯვართმუხა - გზის მოხრეშვა;

ქაშვეთი - გზის მოხრეშვა;

დამჩხეულა - გზის მოხრეშვა;

თავკეთი - წყლის სისტემის რეაბილიტაცია;

რბონა - გზის მოხრეშვა;

კოდისწყარო - წყლის სისტემის მოწყობა;

საშურის მუნიციპალიტეტის სოფლებში, მოსახლეობასთან შეხვედრები კვლავაც გაგრძელდება და ყველა სოფელს მოიცავს.

ხაშურის რაიონის პრესის ისტორიისათვის

დღეს უკვე ძნელი წარმოსადგენია, რომ სულ ცოტა ხანის წინ, გაზეთი, ტელევიზიასთან ერთად, წარმოადგენდა ინფორმაციის ძირითად საშუალებას და საზოგადოების ინტერესს პრესის მიმართ ძალიან მაღალი იყო. ხოლო უფრო ადრე, დაახლოებით სამი საუკუნის განმავლობაში, პრესა იყო სიახლეების გაცნობის ერთადერთი საშუალება.

ქართული გაზეთის ბეჭდვას ორასი წლის ისტორია აქვს. პირველი ქართული გაზეთი 1819 წლის 8 მარტს დაიბეჭდა და ეწოდებოდა „საქართველოს გაზეთი“. ამ თარიღთან დაკავშირებით გადავწყვიტეთ მოგვეწოდებინა მოკლე ინფორმაცია ხაშურის რაიონში სხვა და სხვა პერიოდში გამოძვარი გაზეთების შე სახებ.

ხაშურის მხარეთმცოდნეობის მუზეუმის ფონდებში დაცულია საქართველოში გამოძვარი 350 დასახელების გაზეთის დაახლოებით 20000 ეგზემპლარი.. მათ შორისაა ხაშურის რაიონში გამოძვარი გაზეთებიც.

ხაშურში გაზეთი გამოდის მეოცე საუკუნის ოცდაათიანი წლებიდან. მანამდე კი ადგილი ჰქონდა ცალკეულ მცდელობას. მეცხრამეტე საუკუნის ოთხმოციან წლებში განუზრახავთ სამაწილო აღმანახის გამოცემა. ამ აღმანახის გამოცემის იდეა ეკუთვნოდა ზემოქალის ორკალის ორკალის სასწავლებლის მასწავლებელს ალექსანდრე ნათაძეს, და ამ საქმეში მას გვერდში ედგა სურამელი ალექსანდრე აბაზაძე. მართალია, ასეთი აღმანახი არ გამოსულა, მაგრამ მისი გამოცემის მცდელობაც კი მნიშვნელოვანი მოვლენაა იმდროინდელი ხაშურისა და სურამის კულტურულ ცხოვრებაში.

1917 წელს გაზეთი „ერთობა“ წერს ---ხაშურის რაიონის სოციალ დემოკრატიული პარტიის ორგანიზაციის მორიგ კრებაზე, 26 აპრილს, გადაწყდა ხაშურში პარტიული ყოველკვირეული ჟურნალის გამოცემა, რომელსაც ხელმძღვანელობას გაუწყვეს ამ რაიონის ამხანაგები. ჟურნალის გამოცემის შესახებ საბოლოო მოსალაპარაკებლად საოლქო კომიტეტთან არჩეულ იქნა კომისია: ამხანაგები თ. ჭუმბურიძე და ნ.იმნაშვილი, ამასთან გამოითქვა სურვილი საკუთარი სტამბის მოწყობისა ხაშურში.როგორც ირკვევა, იმ პერიოდში ყოველკვირეული ჟურნალის გამოცემა არ მოხერხდა.

ჩვენთვის ცნობილია, რომ 1919 წელს გამოვიდა გაზეთი „მუშათა ბიულეტენი“--სულ 4 ნომერი. შემორჩენილია მხოლოდ მეოთხე ნომერი, რომელიც საჯარო ბიბლიოთეკაში ინახება.

საბჭოთა პერიოდში ერთ-ერთი ყველაზე მოთხოვნიდი იყო ეგრეთ წოდებული ადგილობრივი გაზეთი, ეს იყო, საბჭოთა პერიოდში გამოძვარი რაიონული გაზეთები. ის მოსახლეობას აწვდიდა ინფორმაციას რაიონში მიმდინარე სამეურნეო და კულტურული ცხოვრების შესახებ და თითქმის მოიცავდა რაიონის ცხოვრების ყველა სფეროს. დღეს უკვე გაჩნდა ინფორმაციის მღების უფრო ხელმისაწვდომი და მოქნილი საშუალებები.

ადგილობრივი გაზეთი გამოდიოდა 1931 წლიდან სახელწოდებით „ბოლშევიკური საყვირი“, თუმცა, მუზეუმში პირველი წლების გაზეთის ნომრები არ ინახება. ჩვენთან არის გაზეთები 1938 წლიდან, ამჯერად მას „ბოლშევიკური სიტყვა ჰქვია, იგი საქართველოს კომუნისტური პარტიის (ბოლშევიკებისა) ხაშურის რაიონის და რაიადმასკომის ექვსდღიური ორგანოა. გაზეთი იბეჭდებოდა ხაშურში, გაზეთ „ბოლშევიკური სიტყვის“ სტამბაში. გაზეთში ქვეყნდებოდა ინფორმაცია საბჭოთა კავშირში, რესპუბლიკაში და ძირითადად რაიონში მიმდინარე სიახლეების შესახებ. 1953 წლის 15 თებერვლიდან გაზეთი გამოდის სახელწოდებით---„გამარჯვების გზით“ . ამასთან დაკავშირებით გაზეთის რედაქცია იუწყება--- „ხელმძღვანელი პარტიული ორგანოების გადაწყვეტილებით საქართველოს ხაშურის რაიონისა და ხაშურის რაიონის მშრომელთა დეპუტატების საბჭოს ორგანოს--გაზეთ „ბოლშევიკური სიტყვას“ დაერქვა „გამარჯვების გზით“. გაზეთის ტირაჟი--2700.

1962 წელს მოხდა ცვლილებები რესპუბლიკის ადმინისტრაციულ დაყოფაში, რაც გაზეთის ბედზეც აისახა. 1962 წლი 1 მაისიდან გაზეთი გამოდის სახელწოდებით---- „გამარჯვება“, ის არის საქართველოს კომუნისტური პარტიის და საქართველოს სსრ მინისტრთა საბჭოს გაზეთი გორის კოლმეურნეობებისა და საბჭოთა მეურნეობების საწარმო სამმართველოსთან. რედაქტორი შ. მახაროლიძე. გაზეთი იბეჭდებოდა გორის სტამბაში.

1966 წლის 1 იანვრიდან , ხაშურის რაიონის კვლავ ცალკე გამოყოფასთან დაკავშირებით, გაზეთს ეწოდა „გამარჯვების გზა“.

გაზეთი იბეჭდებოდა საქართველოს მთავარპოლიგრაფმრეწველობის ხაშურის სტამბაში. ტირაჟი 4000. რედაქციის მისამართი--ხაშური, ლენინის ქ. 13.

გაზეთი ამ სახელწოდებით გამოდიოდა 1990 წლის 26 მაისამდე, ამის შემდგ მას ეწოდა „ალიონი“. ამ სახელის მინიჭება ეროვნული მოძრაობის აღმავლობამ და საქართველოს დამოუკიდებლობისათვის ბრძოლამ გამოიწვია.

„ალიონი“ გამოდიოდა 1992 წლის ბოლომდე. 1993 წლიდან გაზეთს ეწოდება „ხაშურის მოამბე“.

ადგილობრივი გაზეთი რედაქტორები იყვნენ: 1938-1940წწ.--ნ.ნოზაძე, 1941წ--გრიგოლ ცუციერიძე, 1941—1948, 1960—1961 და 1966—1972წწ--ლევან კაკიაშვილი, 1962-1966წწ.--შ. მახაროლიძე, 1949-1952წწ--გრიგოლ ცუციერიძე, 1953—1959წწ--აკაკი ლომიძე, 1973წ--ვასილ მამულაშვილი, 1974—1983წწ--სულიკო ძინძიბაძე, 1984წელი-- ელგუჯა გელაშვილი, 1985—2016წწ--რობერტ სუხიაშვილი, 2016 წლიდან დღემდე --გიორგი გოგალაძე.

გასული საუკუნის 90 იან წლებში, როდესაც იწყებოდა საბჭოთა კავშირის ნგრევა, იატაკქვეშეთში მოქმედი და შემდეგ ე.წ. არაფორმალური გაერთიანებებისათვის ინფორმაციის გასავრცელებლად აუცილებელი გახდა გაზეთების გამოცემა, რადგან ტელევიზიები ჯერ კიდევ სახელმწიფო კონტროლის ქვეშ იყო, დაიწყო სხვადასხვა საშუალებებით ნაბეჭდი ფურცლების გავრცელება, მოგვიანებით გამოვიდა პირველი გაზეთები, მათ შორის ხაშურშიც. მუზეუმში დაცულია იმ პერიოდის მხოლოდ ერთი გაზეთი, ესაა-- „ილიას სამრეკლო“ რომელიც იყო წმინდა ილია მართლის საზოგადოების ხაშურის ფილიალის და ეროვნულ დემოკრატიული პარტიის ხაშურის რეგიონალური კომიტეტის არაპერიოდული გაზეთი. გაზეთი გამოდიოდა 1989 წელს, ჩვენთან ინახება გაზეთის ორი ნომერი. იმ პერიოდში გაზეთის გამოცემა მრავალ სირთულეთან და რისკთან იყო დაკავშირებული.

გაზეთი თემატიკა მთლიანად ანტი საბჭოთა სულსკვეთებისაა, გაზეთს ამზადებდნენ მალხაზ გოგალაძე, აქვსენტი გოგალაძე, თამაზ ლომიძე, მარინა შერაზადიშვილი, გოგი ელისაშვილი., ალიკო ღონდაძე.

გაზეთის გამოცემა არც თუ იაფი სია მოვწებება, ამიტომ ყველა შემდგომი მცდელობა გაზეთის გამოცემისა, პირველ რიგში, ამ პრობლემას აწყდებოდა და ფინანსების არქონის გამო, გაზეთების გამოდიოდა საკმაოდ იშვიათად და მცირე ხნით . გარდა ადგილობრივი გაზეთისა, რომლის გამოცემასაც ხელისუფლება

აფინანსებს.

პირველი არაპოლიტიკური გაზეთი, რომელიც ხაშურში გამოვიდა იყო „ ხაშურელი კოოპერატორი“ ეს იყო ყოველკვირეული საინფორმაციო სარეკლამო კომერციული გაზეთი, რომლის პირველი ნომერი 1990 წლის 7 აგვისტოს გამოვიდა, მისი გამომცემლები იყვნენ კოოპერატორთა რაიონული გაერთიანება და კოოპერატივების მუშაკთა პროფრაიკომი. გაზეთის მიზანი იყო რეკლამა გაეწია ხაშურის რაიონში მოქმედი კოოპერატივების საქონლისა და მომსახურებისათვის. იბეჭდებოდა ხაშურის რაიონულ სტამბაში. გაზეთის სარედაქციო კოლეგიაში შედიოდნენ გოგი გოგალაძე, დავით წიქარიშვილი, ირინა გოგიტაური, ნინო დალალიშვილი, იუმორის გვერდი მიჰყავდა ანზორ სადაღაშვილს. მაგრამ ამ ფორმატში მხოლოდ ერთი ნომერი გამოვიდა.

მეორე ნომერს სახელიც შეეცვალა, ეწოდა --„ხაშური“, და შინაარსიც, უფრო ე.წ. „ყვითელი პრესის „ პრინციპებზე აეყყო, რაც იმ დროს ახალი ფორმატი იყო და მხოლოდ ოფიციალურ პრესას მიჩვეული მოსახლეობისათვის საინტერესო უნდა ყოფილიყო.

ასევე გამოიცა გაზეთ „ხაშურის“ ლიტერატურული დამატება___“ლიტერატურული ხაშური“, რომელიც პოეტ გიორგი მეტრეველის შემოქმედებას მიეძღვნა. გაზეთმა იარსება 1991 წლის მაისამდე და კიდევ ოთხი ნომერი გამოვიდა.

1992 წელს გამოიცა დამოუკიდებელი ლიტერატურულ პუბლიცისტური გაზეთი „ლაშქარი“, პირველი ნომერი გამოვიდა მარტში, სულ გამოიცა 9 ნომერი. გენერალური სპონსორი იყო კოოპერატივი 196 „ცისარტყელა“ რომელსაც ხელმძღვანელობდა პაატა ბარბაქაძე, ასევე გაზეთს ეხმარებოდა კოოპერატივი „ გვირილა“ ხელმძღვანელი კარლო ლაბაძე.

გაზეთის მთავარი რედაქტორი მურად მთავარი იქნა. სარედაქციო კოლეგია--- ციცილო ბურნაძე (მთავარი რედაქტორის მოადგილე), მერი ადვიშვილი, შოთა ჟურაძე, გიორგი მეტრეველი, თამაზ ლაცაბიძე, თინათინ მოსიაშვილი, კლარა ელჩიბეგაშვილი,ნანი გაჩეჩილაძე, ეკა ბაქრაძე, გიორგი ლობჯანიძე, თინათინ კოშკაძე (კომერციული დირექტორი), თამარ ბარბაქაძე,მაყვალა შუბითიძე, რუსუდან გოგიტიძე, მაყვალა ხაჩიძე, თამარ ჯობაძე, ლიანა დავითანი (მთავარი სტილისტ გამომცემელი). მხატვარი ალექსანდრე ღონდაძე.

გაზეთი იბეჭდებოდა ხაშურის სტამბაში. გაზეთი საზოგადოებას აცნობდა ხაშურელი მწერლებისა და პოეტების შემოქმედებას.

1997 წელს ხაშურის რაიონის ენციკლოპედიის რედაქციამ გამოსცა ლიტერატურული აღმანახი „ ლიხი“.

აღმანახის რედაქტორი იყო მურად მთავარი იქნა, სარედაქციო კოლეგიაში შედიოდნენ: თამაზ ლაცაბიძე, მიხეილ ქავთარია, ლალი ჯაფარიშვილი, მაყვალა ხაჩიძე (პასუხისმგებელი მდივანი), თამარ ბარბაქაძე, კარლო ტაბატაძე, გიორგი მეტრეველი, კლარა ელჩიბეგაშვილი, ციცილო ბურნაძე. მხატვარი- ალიკო ღონდაძე., აღმანახში თავმოყრილი იყო ხაშურელ შემოქმედთა პოეზია, პროზა, თარგმანები და წერილები.

აღმანახის პირველი ნომრის გამოსვლას ულოცავს ხაშურის რაიონის გამგეობა, ქალაქ ხაშურის მერია და მურმან ლებანიძე.

რედაქცია გულითად მადლობას უხდის ყველა იმ პირს , რომელთაც ფინანსურად დაეხმარნენ აღმანახს. ესენი არიან--ანზორ დანელია, ჯემალ ენჯიბაძე, რევაზ ნამგალაძე, ზურაბ გოგალაძე, ნუკრი სახვაძე, დათო ლაბაძე, ვაჟა ძანაშვილი, სეირან იკაშვილი, ავთანდილ კვახაძე, ავთანდილ ხმალაძე, სოსო გოგალაძე, ტრისტან შარაშენიძე, ლერი ხვედელიძე, თემურ ლომიძე, მერაბ გელაშვილი, თამაზ გაგნიძე, ჯუმბერ ლომიძე.

სარედაქციო კოლეგია აღმანახის წინათქმამში წერდა,--„ახლა ხაშურის რაიონში მცხოვრებ შემოქმედთა დიდი ხნის ოცნება: ამიერიდან მათ ექნებათ თავისი ჟურნალი.... გვჯერა, რომ აღმანახი „ ლიხი“ იქვეა საყურადღებო ჟურნალად, რომელიც სამზუოზე გამოიტანს არა მარტო ხაშურის რაიონში მცხოვრებ, არამედ არამედ მის ფარგლებს გარეთ მოღვაწე ქართველ მწერალთა ნაწარმოებებსაც“.

გამოიცა აღმანახის მხოლოდ ერთი ნომერი.

2000- 2002 წლებში იბეჭდებოდა ურბნისისა და რუისის ეპარქიის გაზეთი,- „მახვილი მესისა“, ურბნისისა და რუისის მთავარეპისკოპოსის იობის ლოცვა კურთხევით.

გაზეთის რედაქტორი მარკოზ ნოზაძე. გაზეთი რეგისტრირებულია სრულიად საქართველოს საპატრიარქოს მიერ. გაზეთის რედაქციის მისამართი - დაბა სურამი, ლესელიძის ქუჩა N 8.გაზეთს ფინანსურ დახმარებას უწევდა არასამთავრობო ორგანიზაციათა ასოციაცია „შიდა ქართლი“ და ხაშურის საგალანტერიო ფაბრიკა.

გაზეთი აშუქებს მართლმადიდებლურ რელიგიურ თემებს.

ჩვენთან დაცულია გაზეთის გამოსული ნომრების მხოლოდ მცირე ნაწილი. (თუ ვინმეს შეუძლია დაგვეხმაროს ამ დანაკლისის შევსებაში, გთხოვთ, გამოგვეხმარეთ).

საქართველოში მიმდინარე პოლიტიკური ძვრებს ასახავს გაზეთი „ცოცხალი“, რომელიც 2003 წლის აპრილიდან 2004 წლის მარტამდე გამოდიოდა, სულ გამოიცა 11 ნომერი.

გამომცემელია ინდემწარმე ნინო სუხიაშვილი.

რედაქტორი ნინო სუხიაშვილი.

გაზეთი „ცოცხალი“ პოლიტიკური გაზეთია და მასთან თანამშრომლობენ გოგა ხაჩიძე, ხათუნა მუშლაძე, თამაზ ლაცაბიძე, შოია ლობჯანიძე, ნაირა სილაგაძე, ეკა სხირტლაძე, კობა ახალკაცი,ბადრი შერაზადიშვილი, ეკა სუხიაშვილი.

2005 წლის სექტემბრიდან ნოემბრამდე ხაშურში გამოდიოდა თვისუფალი დამოუკიდებელი გაზეთი „ახალი სიტყვა“ გაზეთის დამფუძნებელი-- ნინო ნადირაშვილი. მთავარი რედაქტორი--დარეჯან მეფარიშვილი, რედაქტორის მოადგილე-ირინე გოგიტაური. გაზეთის ჟურნალისტები იყვნენ თეა მეფარიშვილი, ქეთი კაციძე, ირინა გოცირიძე. ფოტორეპორტიორი დავით ღოღობერიძე.

გაზეთი პოლიტიკური იყო. სულ გამოვიდა ხუთი ნომერი.. ფასი 50 თეთრი.

2005 წელს გამოდიოდა გომის საკრებულოს გაზეთი „გომის თემი“, რომლის მხოლოდ ორი ნომერი-- 5და 6 ინახება ჩვენთან. ეს იყო სულიკო ხეთაგურის პროექტი და მიმოიხილავდა გომის თემში მიმდინარე მოვლენებს.

წერილის ფორმატი არ იძლევა საშუალებას უფრო დეტალურად გვიხილოთ თითოეული გაზეთი, რომელთა მიხედვითაც შესაძლებელია რაიონის ისტორიის ძალზე საინტერესო სურათის დახატვა. ეს უკვე მომავლის საქმეა.

დავით ჩადუნელი, ხაშურის მხარეთმცოდნეობის მუზეუმის წიგნების ფონდის მცველი

იმსჯელეს შშმ პირთა დასაქმების შესაძლებლობის გაუმჯობესებაზე

2022 წლის 16 მარტს, ხაშურის მუნიციპალიტეტის საკრებულოს თავმჯდომარე ნინო ლიპარტელიანი საზოგადოება „ბილიკის“ აღმასრულებელ დირექტორს მარია მჭებრიშვილსა და მისი გუნდის წევრებს შეხვდა შშმ პირთა დასაქმების ხელშეწყობისა და შრომის პოლიტიკის ოპტიმიზაციის საკითხებზე სასაუბროდ. შეხვედრას ესწრებოდნენ საკრებულოს წევრები, ხაშურის მუნიციპალიტეტის მერიისა და განათლების რესურსცენტრის



წარმომადგენლები.

შეხვედრის მონაწილეებმა საკრებულოს თავმჯდომარეს შშმ პირთა დასაქმების საკითხებზე ჩატარებული კვლევის შედეგები და სამიზნე მუნიციპალიტეტების წარმომადგენლების მიერ შემუშავებული რეკომენდაციები გააცნეს. იმსჯელეს აღნიშნული რეკომენდაციების შესრულების გზებზე და მუდმივი თანამშრომლობით შშმ პირთა დასაქმების შესაძლებლობების გაუმჯობესებაზე.

პროექტს - „შშმ პირთა დასაქმების ხელშეწყობა და შრომის პოლიტიკის ოპტიმიზაცია საქართველოში“ ახორციელებს „საზოგადოება „ბილიკი“ და სლოვაკური ორგანიზაცია TENEN-ET-ი, Slovak Aid-ის ფინანსური მხარდაჭერით.

როგორც შეხვედრაზე გაჟღერდა პროექტის ფარგლებში ჩატარდა „შშმ პირთა საჭიროებების კვლევა“, რომლის მიზანია შშმ პირთა

პოლიტიკაში არსებული ხარვეზების იდენტიფიცირება, შრომის ბაზარზე არსებული ხელის შეშლელი ბარიერების გამოყოფა იყო. კვლევის საფუძველზე, პროექტის ორგანიზატორებმა შეიმუშავეს 4 ძირითადი რეკომენდაცია, რომელთა გათვალისწინებაც ადგილობრივ დონეზე პერსპექტივაში გააუმჯობესებს შშმ პირთა ყოველდღიურ ცხოვრებას და ხელს შეუწყობს შრომის ბაზარზე მათ ჩართულობას.

პროექტის ფარგლებში შემუშავებული რეკომენდაციები შემდეგია: 1) შშმ-ის ერთიანი ბაზის შექმნა, რომ მუნიციპალური პროგრამები მაქსიმალურად თანაბრად ხელმისაწვდომი იყოს შშმ პირებისათვის; 2) შშმ პირთა საბჭოების ქმედუნარიანობა, რათა მუნიციპალიტეტში მაცხოვრებელი შშმ პირების მაქსიმალური ჩართულობა მოხდეს გადაწყვეტილების მიღების პროცესში; 3) სტანდარტებთან შესაბამისი ინფრასტრუქტურის შექმნა; 4) გაიწეროს ადგილობრივი მეწარმეობის ხელშეწყობის პროგრამა, რომლის რეალიზებით ხელი შეეწყობა შშმ პირთა ადგილობრივ შრომით ბაზარზე ჩართულობას;

ხაშურის მუნიციპალიტეტის საკრებულოს თავმჯდომარემ ნინო ლიპარტელიანმა, „საზოგადოება „ბილიკს“ შშმ პირთა დასაქმების ხელშეწყობის ადვოკატირების კამპანიის მხარდაჭერა და თანამშრომლობა აღუთქვა.

თ. ახალკაცი



„საქართველოს მელიორაცია“, შიდა ქართლში, ტაშისკარის სარწყავი სისტემის მოწესრიგების სამუშაოებს ატარებს

სოფელ ოსიაურის ტერიტორიაზე წყალგამანაწილებელი არხის 4 კილომეტრიანი მონაკვეთი იწმინდება.

სამუშაოები არხში წყლის შეუფერხებლად გადინებას შეუწყობს ხელს. შედეგად, ხაშურის მუნიციპალიტეტში, სოფელ ოსიაურის, გომისა და აგარების 100 ჰექტარ სასოფლო-სამეურნეო მიწის ფართობზე სარწყავი წყლის მიწოდება გაუმჯობესდება.

საირიგაციო სისტემაზე მიმდინარე სამუშაოები მარტის ბოლოს დასრულდება.



რკინიგზელთა პროფკავშირმა რკინიგზელ ქალბატონებს

ფასიანი საჩუქრები გადასცა

საქართველოს რკინიგზის პროფესიული კავშირი ის ორგანიზაციაა, რომელიც დღენიადაგ თავისი წევრების კეთილდღეობაზე თუ შრომითი პირობების გაუმჯობესებაზე ზრუნავს. ორგანიზაციის უმთავრესი მიზანია არცერთი რკინიგზელი არ დარჩეს ყურადღების გარეშე და მათი თითოეული პრობლემა თუ ტკივილი უმოკლეს ვადაში აღმოიფხვრას.

მნიშვნელოვანი წვლილი შეაქვს ქვეყნის ეკონომიკის აღმავლობაში, ამაში, რა თქმა უნდა, ამ ქალბატონების დიდი დამსახურებაცაა, - აღნიშნა რკინიგზელთა პროფკავშირის თავმჯდომარემ გელა გელაშვილმა.



ქალბატონები ყოველთვის ავანგარდში იყვნენ და თუ დღეს საქართველოს რკინიგზა წარმატებით ემსახურება ქვეყანას და

(გაგრილება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16,17,18,1 9,20,21,22,23,24,25,26,29,31,33, 34,35,40,41,42,43..2022 წ. #1, 2,3,4,5,6,7)

1920 წლის დეკემბერში საქართველოში სტუმრად იმყოფებოდა კარლ და ლუიზა კაუციკები, რომლებიც 29 დეკემბერს, ბათუმიდან, გემ „ფრანც ფერდინანდით“ გაემგზავრნენ ევროპაში. თბილისიდან ბათუმამდე მგზავრობის დროს რკინიგზის ყველა სადგურში ეწვეობოდა შეხვედრები მათთან.

ხაშურში სტუმრებს აუარებელი ხალხი დახვდა დროშებითა და ორკესტრით. მუშათა წარმომადგენლებმა კარლ კაუციკს სიტყვებით მიმართეს. მათ მისაღებად კარლ კაუციკმა ვრცელი სიტყვით უპასუხა.

„თქვენ, – ამბობდა კარლ კაუციკი, – ქართველმა მუშებმა, გამოიხინეთ თქვენს მოძრაობაში ზოგიერთი თვისებები, რომლებიც თქვენ მიიღეთ მემკვიდრეობით ძველი ფეოდალურ რაინდობისაგან. ფეოდალურ დროს რაინდს ჰქონდა ორი მაღალი თვისება: თავის მტრებთან ბრძოლაში ის ხმარობდა სინდისიერ საშუალებებს და არასოდეს არ სარგებლობდა მოშხამული იარაღით. ის თავის პატიოსნების შემარცხვენლად სთვლიდა დაცემულ მტრის მოკვლას, უაზროთ სისხლის დვრას. საშინელმა ომმა გამოიწვია საყოველთაო გამხეცება და თვით კულტურულ ქვეყნებშიც კი წაიშალა რაინდობის დადებითი თვისებები და მათი ადგილი დაიკავა უაზრო სისხლის დვრამ და ქვედა ინსტიტუტების აღვირახსნილობამ. ჩვენ ვხედავთ, რომ თქვენი მეზობელი ქვეყანა (ორატორი გულისხმობს რუსეთს – თ.ღ) თავის ბრძოლის დროს ხმარობს მხოლოდ არა პატიოსან საშუალებებს, მუხტლობს, თავს ესხმის თავის სუსტ მეზობლებს, მიმართავს სიცრუეს და დალაცს, უაზროდ ღვრის სისხლის მდინარეებს და ჰკლავს დაცემულ მტრებს. თქვენ კი აქ, საქართველოში, საქართველოს მუშებო, შეინარჩუნეთ რაინდული თვისებები, თქვენ არასდროს არ მოგიხმარიათ თავის ბრძოლის დროს მოშხამული იარაღი, ტყუილი და ცილისწამება, მოლაღატობა და სიტყვის გატეხა. თქვენ არ სცემთ წაქცეულ მტერს, თქვენ არ ღვრით უაზროთ სისხლს. თქვენ არ ესხმით თავს უფრო სუსტ მეზობლებს, თქვენ ეძებთ მხოლოდ მშვიდობიანობას და კეთილ ურთიერთობას ყველა მეზობელთან. ძველმა რაინდობამ დაგვიტოვა ჩვენ მემკვიდრეობით ბევრი უარყოფითი თვისებებიც. ბევრი მათგანი თქვენ უკვე მოგისპიათ. ზოგიერთს, როგორც მაგალითად საშუალო საუკუნეთა მსგავს უზომო ხელგაშლილობას, რომელიც ძლიერ გიშლით თქვენ ხელს ეკონომიკურ ცხოვრების მოწესრიგების საქმეში, თქვენ უნდა ებრძოდით. რაინდობის დადებითი თვისებით კი, რომლებიც შესახებ მე ზეიანი ვილაპარაკებ, თქვენ უნდა განაგებოთ და განავითაროთ. ამ მაღალ რაინდულ თვისებებს თქვენ უნდა მისცეთ თქვენი პროლეტარული შინაარსი. რაინდი იბრძოდა თავის იდეალებისთვის, ან თავის სახელისათვის. თქვენ კი უნდა აამოქმედოთ რაინდული თვისებები პროლეტარიატის დიად სოციალურ იდეალების სასარგებლოდ. რაინდი ხმარობდა რაინდულ საშუალებებს მხოლოდ თავის ამხანაგების, რაინდების წინააღმდეგ. როდესაც საქმე ეხებოდა სხვა კლასებს – გლეხობას, ანდა მოქალაქეებს, ის აღარ ხელმძღვანელობდა პატიოსნების მოსაზრებით და მათთან ბრძოლის დროს დასაშვებლად მიანდა ყოველგვარი საშუალებების და ხერხის ხმარება პროლეტარიატმა კი, რაკი ის ემსახურება უმაღლეს საზოგადოებრივ მიზნებს, უნდა უკუაგდოს ეს ფარგლები. მან უნდა იხელმძღვანელოს პატიოსნების მოსაზრებით ყველა სხვა კლასებთან ურთიერთობის დროსაც. ამ გზას ადგიხაროთ თქვენ, ქართველი მუშები. თქვენი მეთოდები ბრძოლისა – ეს ის მეთოდებია, (რომელსაც) მე ვიცავდი 40 წლის განმავლობაში. ამაში დაერწმუნდი მე თქვენთან ყოფნის დროს. მე დაეინახე თქვენი რაინდული თვისებები და თქვენ ჩემთვის ძვირფასი გახდით. მე არსად არ მიგრძენია თავი ისე კარგად, როგორც თქვენთან. მე ღრმა მწუხარებით მივიდივარ, რადგან მიხდება თქვენგან განშორება, მაგრამ მივიდივარ იმ სასიხარულო აზრით, რომ მე შევსძლებ თქვენთან დაბრუნებას და იმ დროისათვის თქვენ შესძლებთ კიდევ უფრო განავითაროთ ის რაინდული თვისებები, რომლებიც ქართველ ხალხს აქვთ“.

კარლ კრუციკის სიტყვა „მხურვალე ტაშით და „ვაშას“ ძახილით იფარებოდა“. კ. კრუციკის შემდეგ ტრიბუნაზე ადის აკაკი ჩხენკელი, რომელმაც „წარმოთქვა მოკლე, მაგრამ მეტად მგრძობიარე სიტყვა“. ამ შემთხვევაშიც „სიტყვამ საერთო აღფრთოვანება გამოიწვია“.

„ინტერნაციონალის“ სიმღერისა და „ვაშას“ შეძახილის ფონზე მატარებელი, რომელშიც იმყოფებოდა კარლ კრუციკი, ნელ-ნელა შორდებოდა სადგურ ხაშურს.

ხაშურიდან ქუთაისამდე, თითქმის ყველა სადგურში კარლ კრუციკის ხედებოდნენ რკინიგზის მუშები. ამ შეხვედრებს „ყველგან ემჩნევა განსაკუთრებული თბილი გრძობიერება და ინტიმობა“. – აღნიშნულია გაზეთი „ერთობა“.

„მე მახარებს, – ეუბნებოდა მუშებს კარლ კრუციკი, – რომ სოციალისტური მოძრაობა საქართველოში ძლიერია, არა მარტო ცენტრში – დედაქალაქში, არამედ ადგილობრივადც, რესპუბლიკის ყოველ კუთხეში. თქვენ აქ ჯგუფ – ჯგუფად სცხოვრობთ, თქვენ თითქოს მოწვევით ხართ ქვეყანას, მაგრამ თქვენ მაინც გრძობთ თქვენ თავს დიდ პროლეტარულ მოძრაობის ნაწილად, წევრებას დიდ პროლეტარულ ოჯახისა. თქვენ მუშაობთ დიდი მომავლისთვის“.

საერთო აღფრთოვანება გამოიწვია საქართველოს დემოკრატიული რესპუბლიკის იურიდიულმა ცნობამ. 2 თებერვალს გაზეთებში გამოქვეყნდა ხაშურიდან გაგზავნილი წერილი:

„ხაშურის თემის ხმოსანთა ყრილობამ, – ნათქვამი იყო საბჭოს თავმჯდომარის სიმონ ბაბლიძის მიერ გაგზავნილ დეპეშაში, – მიიღო რა დეპეშა უმაღლესი საბჭოს მიერ საქართველოს რესპუბლიკის იურიდიული ცნობისა, აღფრთოვანებით ხედება ამ ისტორიულ აქტს, იზიარებს მთელი ქართველი ერის სიხარულს და უსურვებს მთავრობას ყველა დაბრკოლების გადალახვას.“

1921 წლის 2 თებერვალს, რუსეთის სრულფუნქციონირებელი წარმომადგენელი შეინამინ საქართველოს საგარეო საქმეთა მინისტრს, საქართველოს იურიდიული ცნობის გამო, მისალოც წერილში წერდა:

„გავიგე რა გაზეთებიდან შეთანხმების, სახელმწიფოთა მთავრობების მიერ საქართველოს დემოკრატიული რესპუბლიკის დამოუკიდებლობის იურიდიულად ცნობა, ვისწრაფი, ბატონო მინისტრო, მოგიძღვნათ თქვენ და თქვენს მთა-

ვრობას ჩემი მთავრობისა და პირადად ჩემი სახელით ფრიად გულწრფელი მოლოცვა ამ ამბის გამო.

რუსეთის სოციალისტური ფედერაციული საბჭოთა რესპუბლიკა, ერთადერთი სახელმწიფოა, რომელმაც აღიარა ხალხთა თვითგამორკვევის უფლება, მით უფრო დიდი სიხარულით ეგებება ამ ცნობას, რომ ეს ნიშნავს რუსეთის დიდი პროლეტარული რევოლუციის მეოთხე წელზე მისი ერთ-ერთი საერთაშორისო ღოზუნგის გამარჯვებისა და უარყოფს ანტანტის სახელმწიფოთა მიერ მილიანი და განუყოფელი შავი რუსეთის აღდგენის იდეისა“.

6 თებერვალს, საქართველოს მთავრობის თავმჯდომარეს სხვადასხვა ქვეყნის წარმომადგენლებმა პირადად მიულოცეს საქართველოს რესპუბლიკის ცნობა. მათ შორის იყო რსფსრ წარმომადგენელი შეინამინიც.

9,10 და 11 თებერვლის ხაშურში ამომრჩეველთა რიცხვის დადგენის მიზნით დანიშნული იყო მოქალაქეთა აღწერა.

9 თებერვალს გამოქვეყნდა ქალაქის გამგეობის განცხადება - „ხაშურის მოქალაქეთა საყურადღებოდ“, რომელშიც ნათქვამი იყო: „ხაშურის ქალაქის გამგეობა მოუწოდებს მოქალაქეებს პირნათლად მოიხადონ თავიანთი მოვალეობა და ეცადონ, არცერთი მოქალაქე არ იქნას გამოჩენილი სიდან, რომ ამით, შემდეგში, უხერხულ მდგომარეობაში არ ჩაიგდონ თავი და ხელი არ შეუშალონ ქალაქის გამგეობის მიერ დასახული მიზნების განხორციელებას“.

ეს აქცია მარტო მოსახლეობის აღწერას არ ითვალისწინებდა, იმავე მიმართვაში ნათქვამი იყო, რომ „აღწერის ბარათებში დასმულია ისეთი კითხვები, რომლის პასუხიც ჩვენ მოგვეცემს საშუალებას ყოველ მხრივ შევისწავლოთ ამა თუ იმ მოქალაქის ვინაობა, წარმოდგენა ვიქონიოთ, თუ რა დარგის მომსახურებასთან და სწავლა-განათლების მქონე პირებთან გვაქვს საქმე-ერთი სიტყვით, ასეთი აღწერა ჩვენ გვადიფებს უსაჭიროეს ცნობებს, რომელსაც დიდი მნიშვნელობა ექნება მომავალი მუშაობისთვის“.

1920 წლის ბოლოსა და 1921 წლის დასაწყისში ქვეყანაში კარგად იგრძნობოდა, რომ საბჭოთა რუსეთის მხრიდან მზადდებოდა საქართველოში შემოსე-

ლა. ამასთან დაკავშირებით შექმნილ მდგომარეობასა და მიმდინარე მოვლენებთან დაკავშირებით იმართებოდა კრებები, მიტინგები.

2 მაისს, ქვიშეთში, შედგა საზოგადო კრება, რომელსაც 400-მდე კაცი დაესწრო. კრებაზე თანამედროვე მომენტის შესახებ მოსმენილი იქნა ესტატე გაგუას მოხსენება. კრებამ მიიღო მხედველობაში შექმნილი მდგომარეობა და დაადგინა: „ამოუღვეს გვერდში დამფუძნებელ კრებას და მის წინაშე პასუხისმგებელ მთავრობას და უკანასკნელ სისხლის წვეთამდე დაიცვას მონაპოვარი დამოუკიდებლობა და თავისუფლება“.

12 ოქტომბერს, იტრიაში მოწვეულმა კრებამ, მოისმინა დამფუძნებელი კრების წევრის გ. ცინცაბაძის მოხსენება, მან „ვრცლად დაახურათა დღევანდელი მომენტი“. იგი „შეეხო საბჭოთა რუსეთს და დაახასიათა იქ მყოფი ბოლშევიკური აგენტების სულისკვეთება და მათი კონტრრევოლუციური პოლიტიკა და მოქმედება, რომელიც მიმართულია დემოკრატიული საქართველოს დასამხობად და მის რევოლუციის მონაპოვართა გასანიავებლად. ზიზით იხეიებს იმ მაცდურ აგიტატორებს, რომლებიც დაძრწიან სოფლად და ამხედრებენ მდაბიო მასას თავისუფალი საქართველოს წინააღმდეგ თავის სხვადასხვა ეგოისტური მიზნების მისაღწევად“.

ორატორმა ვრცლად ილაპარაკა „...იმპერიალისტურ ქურქში გახვეული რუსეთის ბოლშევიზმის“ შესახებ. ამავე დროს მან „...ნათლად დაუხატა მსმენელთ ის ენერგიული ბრძოლა საქართველოს დემოკრატიისა, რომელმაც შეძლება მოგვეცა თავი დაგვეღწია იმ კონტრრევოლუციონურ აზვირთებულ ტალღებისთვის, რომელმაც მუხანათურად მახვილი ჩასცა ზურგში რუსეთის დემოკრატიას და დააუძლურა იგი“.

ორატორმა მოუწოდა შეკრებილ საზოგადოებას, რომ საქართველოს დემოკრატიულ მთავრობასთან და დამფუძნებელ კრებასთან მჭიდრო კავშირში, უკანასკნელ სისხლის წვეთამდე იბრძოდონ ახალგაზრდა რესპუბლიკის, მთელი ქვეყნის საკეთილდღეოდ.

10 ოქტომბერს, გომში, გაიმართა მრავალრიცხოვანი მიტინგი, რომელზეც ვრცელი მოხსენებით გამოვიდა დამფუძნებელი კრების წევრი გ. ცინცაბაძე. მიტინგმა მიიღო შემდეგი შინაარსის რეზოლუცია: „1920 წლის ოქტომბრის 10-ს, მიტინგმა, მოისმინა რა მოხსენება დამფუძნებელი კრების წევრის ამს. გ. ცინცაბაძისა დამფუძნებელი კრებისა და მთავრობის მუშაობის შესახებ, დაადგინა: მიტინგი საღამოს უძღვინს დამფუძნებელ კრებას და მთავრობას. მიტინგი სრულიად იზიარებს დამფუძნებელი კრების და მთავრობის პოლიტიკას და უსურვებს მათ ნაყოფიერ მუშაობას ჩვენ ხალხის და მთელი ქვეყნის დემოკრატიის საკეთილდღეოდ“.

30 ნოემბერს, გომში, კვლავ გაიმართა გომის რაიონის 48 სოფლის წარმომადგენელთა ყრილობა, რომელზეც განხილული იქნა ქვეყანაში შექმნილი მდგომარეობა. გამოსული ორატორები ვრცლად ეხებოდნენ მოსალოდნელ საგარეო საფრთხეს. ყრილობაზე წაიკითხეს მოწოდება თავდაცვის ფონდის დაარსებისა და მისი მნიშვნელობის შესახებ. საზოგადოება თანაგრძობით შეხვდა მოწოდებას და აღუთქვა მთავრობას ყოველგვარი დახმარება. ყრილობამ აირჩია გომის რაიონის თავდაცვის რაიონული კომისია, რომელშიც სხვადასხვა პარტიათა წარმომადგენლები შევიდნენ. სოფლების მიხედვით აირჩიეს დამხმარე კომისიები. რაიონულ კომისიაში შევიდნენ ესვანჯია, ლომიძე, მ. მაჭარაშვილი, მეფარიშვილი, ხარაზიშვილი, გ. ბეშია, ი. მირიანაშვილი.

ქალაქის თვითმმართველობის ინიციატივით, რესპუბლიკის თავდაცვის ადგილობრივი კომიტეტი შეიქმნა სურამშიც. კომიტეტში შევიდნენ სხვადასხვა პარტიების, სახელმწიფო და საზოგადოებრივ დაწესებულებათა წარმომადგენლები.

18 თებერვალს გომის თემის თავმჯდომარე გაზეთ „ერთობას“ წერდა: „სუ-ლიერი განწყობილება კარგია, ხალხი იკრიბება, ფრონტზე წასასვლელად გროვდება“.

მიუხედავად საზოგადოების ასეთი განწყობისა, საქართველოს ბედი უკვე გადაწყვეტილი იყო, მისგან შორს ჩრდილოეთში, მოსკოვში, კრემლის კულუ-რებში. სამწუხაროდ, ვერც საქართველოს ხელისუფლება აღმოჩნდა ქვეყნის დამოუკიდებლობის დასაცავად სათანადო სიმაღლეზე.

თ. ლაცაბიძე

(გაგრილება იქნება)

- სპეციალისტი გვირჩევეს -

მარტის და აპრილის თვეში საფუტკრეში

ჩასატარებელი სამუშაოები

ჩვენს რეგიონში მარტის თვე ფუტკის ოჯახისათვის საკმაოდ კრიტიკული თვეა, განსაკუთრებით ამ პერიოდში სჭირდება ყურადღება საკვებზე და სინესტეზე. მარტის თვეში, დამატებითი საკვების მიცემისას, იგი სასურველია თხევადი სახით მივცეთ—სიროფი, ორი წილი შაქარი ერთი წილი წყალი (აუცილებლად ადუღებულ წყალში გახსენით შაქარი), სიროფთან ერთად უკვე შეიძლება ჯერ ნიორის, შემდგომ წიწაკის მიცემაც.

გთავაზობთ ნიორის მომზადების და მიცემის ჩემს მიერ გამოყენებულ



ხერხებს:

1) ნიორის წყალხსნარი მზადდება შემდეგი პროპორციით: 200 გრამ ხორცსაკვებ მანქანაში გატარებულ ნიორს ვათავსებთ მინის ქილაში და ვასხამთ 500 მლ წყალს. ქილას 24 საათით ვათავსებთ მაცივარში. ვფილტრავთ, შევურევთ თანაბარი რაოდენობით სიროფს, 5 მილიგრამი 1 ლიტრ სიროფზე.

2) 200 გრამ ხორცსაკვებ მანქანაში გატარებულ ნიორს ვათავსებთ მინის ქილაში და ვასხამთ 100 მლ წყალს. ქილას 24 საათით ვათავსებთ მაცივარში. შემდგომ 300 გრამი თაფლი ერევა მიღებული მასას ფუტკრებს მივცეთ ერთი სუფრის კოვზი რაოდენობით ერთ ფუტკრის ოჯახზე (გადაბრუნებულ პლასმასის თავსახურზე ჩარჩოების თავზე, შეგიძლიათ სკის ფსკერზეც მოათავსოთ).

3) შეგიძლიათ გატარებული ნიორი, გადაბრუნებული პლასმასის თავსახურით, 1 სუფრის კოვზის რაოდენობით, მოათავსოთ სკის ფსკერზე, დროთა განმავლობაში, თქვენ ნახავთ სრულიად გამომშრალ

მასას, რომელიც წარმატებით მუშაობს ჭიანჭველების წინააღმდეგ თუ მას მოვათავსებთ სკის ძირზე ან საფარი ტილოს ზემოთ (მე ნიორს ფარდის პატარა ნაჭერში ვათავსებ).

ნიორი გამოიყენება ვაროას, ასკოსფეროზის და ფუტკრის სტიმულაციისათვის, ნიორის წყალხსნარის გამოყენება შეიძლება ფუტკრის ოჯახების შეერთებისას.

ცხარე, წითელი წიწაკის ნაყენის მოსამზადებლად მაკრატლით ან დანით იჭრება 50-60 გრ გამხმარი, წითელი წიწაკა 1სმ-იან ნაჭრებად (ან დაფქვილი სახით), იყრება თერმოსში და ესხმება ერთი ლიტრი მდუღარე წყალი. ნაყენს ვაჩერებთ 24 საათს, შემდგომ ვფილტრავთ, შევურევთ თანაბარი რაოდენობით სიროფს (5 მილიგრამი 1 ლიტრ სიროფზე).

1-ლი აპრილიდან (მაისის 10 რიცხვამდე) სიროფს, 1/1 პროპორციით, ვამზადებ და ფუტკრის ოჯახს კვირაში ერთხელ კას-81-თან ერთად ვაძლევ. ფუტკრის ოჯახების საგაზაფხულო კვებას და მკურნალობას ამით ვამთავრებ.

გთავაზობთ კას-81-ის დამზადების და გამოყენების მეთოდს: კას-81-ს ამზადებენ შემდეგი კომპონენტებისაგან: 1. ვერცხლისფერი აზინდა, ყვავილობის დროს, რაოდენობა—900გრამი (იჭრება ბოლო აზინდის ყვავილის დაბლა მხარეს); 2. ვერცხლისფერი აზინდა ყვავილობამდე—რაოდენობა 50 გრამი (იჭრება მაღლიდან 20-25 სანტიმეტრი). 3. ფიჭვის თირკმელი მტკრის გამოყოფამდე (ჩვენს რეგიონში ეს პერიოდი გრძელდება 15 მარტიდან 1 აპრილამდე) იჭრება წვეროდან 3-4 სანტიმეტრი, აღნიშნულ კომპონენტებს ემატება 10 ლიტრი წყაროს წყალი (არც დაქლორილი და არც ჭის წყალი) და ნელ ცეცხლზე ვადუღებთ 3 საათი, დუღილის შემდგომ რჩება დაახლოებით 6-7 ლიტრი ხსნარი, ხსნარი ჩერდება 10საათი ოთახის ტემპერატურაზე, შემდგომ ყოველ 1 ლიტრ სიროფს (ერთი ერთზე პროპორციით) ეძლევა 30 მილიგრამი ხსნარი, დარჩენილი ხსნარი მაცივარში ინახება 2-8, 3-5 დღე (მაღფუტკებადია), თუ ხანგრძლივი პერიოდით გინდათ, აუცილებლად საყინულეში შეინახეთ. გაზაფხულზე და თაფლის გამოწურვის შემდგომ, სასურველია ხუთჯერადად მივცეთ ფუტკარს, თითოულ სკას ნახევარი ლიტრი 7 დღის ინტერვალით. კას-81 წარმატებით მუშაობს ვაროაზე და ფუტკრის სტიმულაციისათვის.

ჩემი რჩევაა გამოიყენეთ, რაც შეიძლება მეტი ბიომეთოდები (ინფორმაცია საკმარისია ინტერნეტში) ფუტკრის დაავადებების საწინააღმდეგოდ, მოერიდეთ ქიმიურ პრეპარატებს (აუცილებელია ვაროას კონტროლი ივლისის თვეში). არ გამოიყენოთ არცერთი ანტიბიოტიკი (კანონით იკრძალება). მე, 2021 წელს, ბიომეთოდების (ბადიანი ძირები, კას-81) სამამლე ხაფანგი, ჩარჩოს გვერდითი თამასის ზომა 33-34 მილიმეტრამდე დავიყვანე, ყველა დედის გამოცვლა მოვახდინე ივლისის თვეში) გამოიყენების შემდგომ, მხოლოდ ერთხელ დეკემბერში ვიხმარე ამიტრაზი (ბიპინი). წარმატებებს გისურვებთ დამატებითი კითხვების შემთხვევაში დაგვიკავშირდით ტელეფონზე—555988778.

გიორგი ჯელაძე, მეფუტკრე სპეციალისტი

რა ეტაპზეა საუკუნის პროექტის მშენებლობა

რიკოთის საუღელტეხილო 51.6 კმ-იანი გზის, ხევი-უბისას 12.2 კმ-იანი მონაკვეთის მშენებლობის პროექტის ფარგლებში 20 გვირაბი და 38 ხიდი შენდება ხევი-უბისას მონაკვეთზე, სამშენებლო სამუშაოები 28 ხიდსა და 17 გვირაბზე მიმდინარეობს, გაჭრილია 4 გვირაბი, ამასთანავე, აღსანიშნავია, რომ სამშენებლო სამუშაოები უკვე დასრულებულია 3 გვირაბსა და 6 ხიდზე საერთო ჯამში, ამ დროისთვის სამუშაოები 81 ხიდსა და 48 გვირაბზე მიმდინარეობს, საიდანაც გაჭრილია 13 გვირაბი რიკოთის საუღელტეხილო მონაკვეთის მშენებლობა საუკუნის პროექტია, რომელიც ურთულეს გეოგრაფიულ მარშრუტზე და ურთულესი საინჟინრო კონსტრუქციებით სრულდება რიკოთის მონაკვეთი, ჩქაროსნული გზის მშენებლობაში ერთგვარი გარდამტეხი პროექტი იქნება, ვინაიდან ამ პროექტის შედეგად, დასავლეთ და აღმოსავლეთ საქართველოში უკვე აშენებული ჩქაროსნული მონაკვეთები ერთმანეთს დაუკავშირდება.



მონასტერში წადი, ოფელია, მონასტერში!

შექსპირის დიდებული ტრაგედიის “ჰამლეტის” გმირ ქალს, ოფელიას ჰამლეტისთვის, შემთხვევით, საკუთარი მამის მოკვლა, რომ ეპატიებინა, მონასტერი მაინც არ აცდებოდა. რადგანაც უქონელ ქალს, შუა საუკუნეებში, არავინ ირთავდა-ე.წ. “მაიორატის” გამო(მემკვიდრეობის წესი), რომლის მიხედვით, უძრავი ქონება მთლიანად გადადის უფროსი ვაჟისთვის, ან გვარში უფროსი მამაკაცის ხელში. ეს ფეოდალური სამართლის დამახასიათებელი ინსტიტუტი შუა საუკუნეებში მოქმედებდა ევროპაში, რომლის მიზანი იყო თავიდან აეცილებინათ მიწის და სხვა ქონების დანაწილება. ამ სამართლის მიხედვით კი, ოფელიას ძმა მიიღებდა მემკვიდრეობას და ოფელიას თავი რომ არ მოეკლა, მონასტერი მაინც არ აცდებოდა.

ბერ-მონაზვნები სოციალურ-რელიგიური ჯგუფია, რომლის წევრები ვალდებულები არიან განუდგნენ ამქვეყნიურ ცხოვრებას. უარი თქვან ქონებაზე, ქორწინებაზე, გაწვიტონ ნათესაური და სოციალური კავშირები და იცხოვრონ მონასტერში. მათი ეთიკის ძირითად ნაწილს წარმოადგენს ღოცვა და ფიქრი ღმერთზე.

მონაზვნობა ინდოეთში ჩაისახა, ბუდიზმში, მერე გავრცელდა ჩინეთში, იაპონიაში, ტიბეტში და სხვა. ქრისტიანობაში კი მონასტრები III-IV საუკუნეებში გაჩნდა. განსაკუთრებული მნიშვნელობა კი შუა საუკუნეებში შეიძინა.

ამის ერთ-ერთი ხელშემწყობი პირობა, როგორც აღვნიშნე, იყო ფეოდალურ მიწათმფლობელობაში, “მაიორატის” პრინციპის არსებობა, რაც აიძულებდა ფეოდალთა უმცროს ვაჟებს მონასტერში წასულიყვნენ, ან მოხეტიალე რაინდობა დაეწყოთ. მით უმეტეს, უმზითოდ დარჩენილ ქალებს.

მონასტრები წარმოადგენდნენ დამოუკიდებელ სამეურნეო ორგანიზმს, ყველა მისი წევრი ვალდებული იყო ეშრომა. მანვე ჯვაროსანთა ლაშქრობების დროს ახალი ფუნქციები შეიძინა: ისინი ხსნიდნენ ლაზარეთებს დაჭრილთათვის, გამოისყიდნენ ტყვედჩაგარდნილ რაინდებს. ერთ-ერთ მნიშვნელოვან მოვალეობად მიიჩნევდნენ ბრძოლას ერეტიკულ მოძრაობასთან, იყვნენ პაპების დასაყრდენი და სხვა. ამავე დროს, უდიდეს კულტურულ-საგანმანათლებლო დაწესებულებებს წარმოადგენდნენ. არაერთი მოაზროვნე, მწერალი და მეცნიერი გამოვიდა მისი წიაღისეულიდან.

მონასტრები საქართველოში იმთავითვე ფეოდალურ-სამეურნეო ორგანიზაციად ჩამოყალიბდა, მათი სიმდიდრის წყარო მაღალი წრეების უხვი შემოწირულობანი(მიწა-წყალი გლეხებითურთ, მოძრავი ქონება და სხვა) ნაყიდი ქონება საკულტო რელიქვიების და ხატების თავყანისცემით მიღებული შემოსავალი იყო. VIII-IX საუკუნეებიდან ბერ-მონაზვნები უკვე აღარ მუშაობდნენ ფიზიკურად, უფრო კვიან კი დიდ ეკონომიკურ, მორალურ და პოლიტიკურ გავლენას მიაღწიეს. აქვე უნდა აღვნიშნოთ, რომ ქართულ მონასტრებში გაჩაღებული იყო სალიტერატურო სამწიგნობარო და კულტურული მუშაობა. იქმნებოდა და იწერებოდა ორიგინალური და ნათარგმნი სასულიერო ნაშრომები. განსაკუთრებით

(დასასრული VI გვერდზე)

ხაშურელთა წარმატება ყოველწლიურ კონკურსში

დიდი ქართველი კლასიკოსის გენიალური ლევიან გოთუას დაბადებიდან 117 წლის იუბილე მის საფლავზე აღინიშნა საპატრიარქოს ჩოხოსანთა საზოგადოების მიერ.



აქვე ჩატარდა „გმირთა ვარამის“ მკითხველთა ყოველწლიური კონკურსი, რომლის ავტორია საპატრიარქოს ჩოხოსანთა საზოგადოების განათლების სამსახურის ხელმძღვანელი ლალი ნაზლაძე. 2022 წლის ასპარეზობაში მოსწავლეებთან ერთად უფროსი ასაკის ადამიანებმაც მიიღეს მონაწილეობა.

ჩვენდა სასიხარულოდ, ხაშურის გუნდმა მეორე

ადგილი აიღო.

სამი მონაწილე გვყავდა ხაშურის გუნდში - მათ შორის ჩოხოსანი, შიდა ქართლის სადროშოს მეთაურის მოადგილე იმედა მეტრეველი, ხაშურის N7 სკოლის XI კლასის მოსწავლე პაპუნა მადრაძე და გ. ტაბიძის სახელობის N6 საჯარო სკოლის მოსწავლე მარიამ თაბუაშვილი.



ტრადიციულად, სამთავროს დედათა მონასტერში, გადახდილ იქნა ლევიან გოთუას სულის მოსახსენებელი პანაშვიდი.

აქვე შედგა საპატრიარქოს ჩოხოსანებისთვის სიგელების და ჯილდოების გადაცემის პროცესიც. ლაურეატთა შორის გახლდნენ ბატონები: თენგიზ ურთმელიძე, თემურ ჩალაბაშვილი, ვანო ჯაფარიძე და როსტომ აბაშიძე.

(დასასრული VI გვერდზე)

განთქმული იყო ხანძის, შატბერდის, ოპიზის, პარხლის, ხახულის და სხვა მონასტრები. არსებობდა ორი აკადემია (გელათი, იყალთო).

მონასტრების ძლიერება ვეროპაში მკვეთრად შეირყა რეფორმაციის დროს, ახალი დარტყმა მიაყენა XVIII-XIX საუკუნის რეკონსტრუქციებმა. მათ თანდათან დაკარგეს ფუნქციები. ველარ თამაშობდნენ დამოუკიდებელ სამეურნეო-ეკონომიკურ ერთეულის როლს და მათი მოღვაწეობა ანაქრონიზმად იქცა.

ახლა მთავარ სათქმელზე გადავიდეთ ქვიშხეთიდან 3-4 კმ-ის დაშორებით, მაღალ მთაზე დგას ქვიშხეთელთა მთავარი სალოცავი მთაწმინდის წმინდა გიორგის ეკლესია. ერთმა ქვიშხეთელმა, რომელიც მოულოდნელად რელიგიური გახდა, სალოცავს სახელი შეუცვალა და დავით გარეჯელის სახელი მიანიჭა. მერე დიდი მონღოლების შედეგად, იქვე მონასტერი ააშენა. მონასტერი, რისი მონასტერია, თუ ბერი არა ჰყავს. ასე შეგონა, მაგრამ ვცდებოდი ამ თოვლიან, ცივ ზამთარში თურმე იქ ბერი ცხოვრობს და ლოცვაში ატარებს დროს.

აქვე უნდა აღვნიშნო, რომ ჩვენი წინაპრები მიუვალ ადგილებში მონასტრებს არ აშენებდნენ, ქართული სამონაზვნო ზომიერი მიმართულებით გამოირჩეოდა. მისი მიმდევრები საგანგებოდ არჩევდნენ სამონასტროდ ლალ, მდიდარი ბუნების, ჯანსაღ კლიმატს, მარგებელ წყალს (ხანძთა, ოპიზა, იშხანი, პარხალი, გელათი, იყალთო და სხვა). ქვიშხეთის მთაწმინდაზე კი მონასტრის აშენება, უბრალოდ უხეში შეცდომაა, რადგან ქვიშხეთში, ზამთარში დიდთოვლობა იცის და მთაწმინდა მიუვალა. მით უმეტეს, რომ ქვიშხეთში ორი მონასტერია, ორი-სამი მონაზვნით.



შინდარის მონასტერში ორჯერ ვიყავი, პირველად ახლობელი მონაზვნის სამიძმარზე. ჩემი ყურადღება ახალგაზრდა მონაზვნებმა მიიქციეს, განსაკუთრებით ერთმა გოგონამ, კუთხეში იჯდა, კითხულობდა და დროდადრო პირჯვარს იწერდა. მერე ჩამოიარა და დიდი მოკრძალებით ეამბორა ხატებს. გოგონა უბრალოდ ღამაში კი არა, ხორცშესხმული მშვენიერება გახლდათ. მეორეჯერ გარდაცვლილი მონაზვნის საფლავზე მისმა კლასელებმა ყვავილები მიიტანეს. ის მონაზონი ისევ იქ იყო, ეზოს გვიდა. გავესაუბრე, ვკითხე, რამ გაიძულა, რომ აქ ხარ მეთქი, -ღმერთის სიყვარულმაო. რატომღაც მწყაზარ თვალეში სევდა ჩაღვომოდა.

ქვიშხეთიდან სამი ახალგაზრდა ბიჭი წავიდა ძამის მონასტერში. ორი დედისურთა იყო. ვფიქრობ, ძალიან კატეგორიული არ ვიქნები, თუ ვიტყვი, რომ სამივე არა მარტო ოჯახისთვის არიან დაკარგულები, არამედ ქვეყნისთვისაც. მონასტერში წასვლის წინააღმდეგი არ ვარ, მაგრამ ჩემთვის გაუგებარია, ახალგაზრდა ქალ-ვაჟების მიერ საერო ცხოვრების უარყოფა.

ცხოვრებისაგან განდგომა, თუ ცხოვრება მთელი თავისი სიდიადით. ეს საკითხი ჩვენმა ყველაზე დიდმა მოძღვარმა ილია ჭავჭავაძემ დააყენა და მას საუკეთესო ნაწარმოები „განდევილი“ მიუძღვნა, სადაც მშვენიერი მწყემსი ქალის პირით აცხადებს:

“განა სწყინს ღმერთს, რომ კაცი შეჰხარის, ქვეყანას, ღვთითვე დაბადებულსა?”

განა ღმერთმა იმისთვის შექმნა ეს ღამაში ბუნება, რომ ადამიანმა “შეაჩვენოს და აიღოს ხელი?” მწყემსი ქალისთვის დიდად მოსაწონი და ფასეულია ბუნების სიდიადე, აღტაცებით შეჰხარის მას:

“ან შენ როგორ სძლებ უწუთისოფლოდ!

მერე იცი კი, რა რიგ ტკბილია, აქ სიკვდილია, იქ კი სიცოცხლე, აქ ჭირია და იქ კი ლხინია!” და იქვე, განდევილის საპირისპიროდ, რიტორიკულ კითხვას სვამს:

“ღმერთს რაში უნდა, ამ ყინულებში, ყოფნა კაცისა?” იგივე შეიძლება ვკითხოთ ქვიშხეთის მთაწმინდაზე მცხოვრებ ბერს-ღმერთს რაში უნდა, სოფლიდან 4 კმ-ით დაშორებულ მთაში კაცის ყოფნა? “ქვეყანა ტაძარი კი არ არის, სადაც კაცი უნდა ღოცულობდეს, არამედ, სახელოსნოა, სადაც უნდა ირჯებოდეს და მუშაობდეს (ტურგენევი).

ლოცვა და ღმერთის სიყვარული საერო ცხოვრებაშიც ხომ შეიძლება, თუ ცოდვების მონანიება გინდა, ეზიარე, ან სიბერეში წადი მონასტერში, როგორც ზოგიერთი ქართველი მეფე აკეთებდა. უნდა მივყვეთ დიდი ქართველი მოაზროვნის, ილიას შეგონებას, რომელიც გამონეწილი ქართველი კრიტიკოსის, კიტა აბაშიძის თქმით, “განდევილი და ცხოვრება მწყემსი ქალის სახით, ერთმანეთს დაუპირისპირა, ერთმანეთს შეაბრძოლა და ბრძოლის ველზე გამარჯვებულად, ცხოვრება გამოიყვანა”.

განდევლობის პრობლემა, ეფუძნება სათანადო მსოფლმხედველობას, სულის და სხეულის დაპირისპირებას, მაგრამ ისტორიის მსვლელობისას, ასეთი დაპირისპირება დღეს ანაქრონიზმი მგონია, როგორც რაინდობა სერვანტესის ეპოქაში.

ახალგაზრდა ქალ-ვაჟების მონასტერში წასვლით, ვიმეორებ, ისინი დაკარგულები არიან ოჯახისთვის, მეგობრებისთვის, ქვეყნისთვის, საზოგადოებისთვის და სხვა. არა მგონია, ღმერთს ეს მოსწონდეს, ის, ხომ სიყვარულის და სიცოცხლის ღმერთია. ასევე ანაქრონიზმად მეჩვენება ფუნქციონირება მონასტრების მშენებლობა. ნუთუ რაიონში ქალთა და მამაკაცთა თითო მონასტერი არ კმარა? ალბათ, ეს “საყმაწვილო სენია” და მალე მოვიხდით. და ბოლოს, გავიხსენოთ “ოთარაანთ ქერივიდან” ერთი ადგილი, გიორგი დედას ეკითხება:

—ღვთის ხეწვნი ტყუილ-უბრალოა”

—მა, რა არის, როცა უდრო-უდროა. განა ჩემს მეტი დარდი არა აქვს ღმერთს?! ვენაცვალე იმის მაღლსა!”

კლიმენტი სუთიაშვილი

რედაქციისგან: წერილში გამოთქმული მოსაზრებები ეკუთვნის ავტორს და შესაძლოა, ვგულა კომპონენტში არ ემთხვეოდეს რედაქციის პოზიციას.

ხაშურის მუნიციპალიტეტის მერია და ხაშურის მუნიციპალიტეტის საკრებულო თანაგრძნობას უცხადებენ საკრებულოს წევრს, მაყვალა მაისურაძეს დედის, **ზინა ოქრომელიძის გარდაცვალების გამო.**

გაზეთის “ხაშურის მოამბე” რედაქციის თანამშრომლები თანაგრძნობას უცხადებენ მუნიციპალიტეტის საკრებულოს წევრს, მაყვალა მაისურაძეს დედის, **ზინა ოქრომელიძის გარდაცვალების გამო.**

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში.